

文苑英華卷第九百三十六

誌二

宰相一

左丞陸元方墓誌一首

中書令逍遙公常嗣立墓誌一首

尚書左丞張說墓誌一首

崔相國澳墓誌一首

文昌左丞陸公墓誌序

張說集

公諱元方字希仲蘇州吳縣人也帝典惟二虞盡美於南

風強國有七齊莫大於東海元候制食因為宗丞相冊勳

開吳佐命盛德之後瑤琨代襲故冊青奕世三君之望並

高金玉聯華五常之目齊重公即陳給事黃門侍郎琛之



曾孫唐荊州當陽縣丞山仁之孫司儀郎東之之姪豫章
尉玄之之子體玄黃之純粹峻清白之隆甚鵬翼載軒騏
鳴自遠始以司成明經業優擢策補三水扶風渭南三縣
尉授秉行監察殿中三御史遷鳳閣舍人兼太子中舍又
判鳳閣又守秋官行鸞臺三字侍郎同鳳閣鸞臺平章事
坐公事降為綏州刺史居無何檢校春官又試天官二侍
郎兼司衛卿復徐鸞臺侍郎同鳳閣鸞臺平章事轉右庶
子轉文昌左承丞前後掌選及知考各二歲九流銓總代天
理物公執其衡鏡而野無遺賢三載考績惟王舊典公秩
其一作幽幽明而庶官咸事斯並憲章臺閣籍甚人倫至於
經濟大道彌綸庶務嘉歎削於隱德弘益晦於推美蓋不

得而聞也古人有言進退在命忠信在人一出持州再入
蒞政汲長孺之方直時守外臺胡伯始之詳明亟司中禁
抑有由焉嗚呼人之淑斯宜享難老昊天降戾曾不憖遺
大定元年二月七日寢疾而終春秋六十有三歷事兩宮
三十餘載奉上惟敬臨下惟誠密勿兩終靜而調理心尚
坦率不違名教之地迹列軒裳不雜風塵之伍施與忘倦
鄉黨穆焉夷險若一朋友義焉所謂終溫且惠行同歸於
大雅克已復禮身不離於令名及東首歸全西階撤奠無
食粟之馬無衣帛之妾知與不知莫不嘉歎粵三月十四
日假塋之國門之南費村永刊昭烈垂之幽礎其銘元本不載
此篇元在九百四十卷職官門今移于此

中書令逍遙公墓誌銘

張說

唐故中書令逍遙公韋氏諱嗣立字延構京兆杜陵人也
 受渾元之正性挺生人之秀傑門為孝悌之府世處台衡
 之地蓋士林之高標宗臣之首出者也生於秦之清水長
 于鄭之成臯聰明先覺博古兼覽究蓬山之百氏綜闕里
 之六藝文而不華實而不滯原夫志在於易行在於禮守
 素齋之冲虛播朱絃之愷悌事有則而言有度神無方而
 用無體其與人也溫良善誘仁恕多容俾夫頑蔽開拆復
 驚擾從君子進道小人革慮聞者願來見者忘去若膏澤
 之浸陽和之感萬物不知其化矣及夫履筭登朝濫觴宰
 邑聖朝知其周慎忠肅簡易循良是以綢繆兩禁重疊千

里迄踐宰衡終厥有成凡化二邑理七郡三入中書并統

兵部集本選吏部文粹各兩典樞密共五載光弼四主歷

政三十有餘其間累有謗集作及官因左退日月蝕而更

明隨和幽而不昧爾其為邦設教尊德閑邪身勤心苦誠

感物化禮讓興於私室刑罰廢於公家衡鏡高懸文武矯

首才無我失善若已有風流明教作法垂後訐謨皇極功

格天地茫茫蠢蠢既生既遂四夷來王五靈皆至然而外

榮中素迹邈心遐杳然朱石二本之若喪糗二本若赤松

之可接西宴驪山之谷東息龍池之野擇逍遙而建號裂

土宇而西社明主封帝丘之謀表高臣之志也公考侍中

為國元輔公兄承慶當代齊名咸以令德繼和金鼎扶陽

二相陳氏三君復追美名二本侍中前夫人崔氏生黃門

而即世後夫人王氏生公而偏愛公克諧以孝因心則友

啓均養之德成無間之言天下之人比之祥覽惟公德行

言語文學政事四者實惣而兼之事親養志而能爭居喪

過哀而顧禮此又善中之善者也善人天之經也國之寶

也道將興廢木鐸之用有時命或推移蒼天二本之之望

恒在春秋六十有六遘疾陳郡還醫洛師開元七年九月

二日薨于歸德里有詔贈兵部尚書謚曰孝禮也明年某

月葬于某地有子孚恒濟夫儻然在疚靡所寘哀以某忝

縉雲之舊寮沐清風之餘論入難名之閩域窺妙德之形

容見託銘志庶傳精爽至於歷官次序平居事業當見

府遺愛之碑國史銘臣之傳故不存焉銘曰

峩峩仁公抱孝含忠文獻則足高明有融翻飛王佐穆我

清風道濟明時心樂幽地薜衣華衮坦然一致逍遙啓封

帶礪傳嗣二本生涯共盡振古其常人秉三德天歸百祥

臧孫有後公業不亡

開府儀同三司行尚書左丞相燕國公贈太師張

公墓誌銘

張九齡

大唐有天下一百一十三年開元十有八載龍集庚午冬

十二月一作月戊申開府儀同三司行尚書左丞相燕國公

薨于位享年六十四嗚呼哀哉皇帝悼焉素服舉哀廢朝

三日乃下制贈太師蓋師傅之舊恩禮有加也詔塋先遠

聖事有日又特賜御詞表章琬琰公義有忘身之勇忠為
 社稷之衛文武可憲之政公侯作捍之勲皆已昭昭於天
 文雖日月爭光可矣公諱詵或字說之道濟見唐書范陽方城
 人晉司空壯武公之裔孫周通館學士諱戈府君之曾孫
 贈慶州都督諱恪府君之孫贈丹州刺史刑部尚書諱隲
 府君之季子自上世積慶及公而祥發神明所祐集作道
 德為樞生以寧濟幼而聰悟集作體祥鷹揚虎視英偉磊落越
 在諸生之中已有絕雲霓之望矣初天后稱制舉郡國賢
 良公時大知名拔乎其萃者也起家太子校書迄于左丞
 相官政四十有一而人臣之位極矣尚書國之理本公悉
 更之中書朝之樞密公亟掌之休聲與偕升降數四守正

集作佐

集作神

集作亦集作之

集作如疑作黃

而見逐者一遇坎而左遷者二其餘惣戎于外為國作藩
 所平除者唯幽并秉節鉞而已至若三登左右丞相三作
 中書令唐興以來朝佐右莫比蓋聖賢之運有會師臣之道欲
 行人雖求多我每餘地馨香之發敷聞自久宜其翊戴聖
 后師範百寮功烈過於如神德聲出於咸一此固與版築
 崛起屠釣作合之類亦云異也公志玄遠而性高亮未嘗
 自異會節乃有立何所不可體道以為宗既定國於一言
 亦保身於大雅其於經理世務雜以軍國決事如流應物
 如響紛綸輻輳集其猶指掌及夫先聖微旨稽古未傳缺文
 必補隆禮咸甄與經籍為笙簧於朝廷為粉澤固不可詳
 而載也始公之從事實以懿文而風雅陵夷已數百年矣

文苑英華卷之六

時多吏議擯落文人庸引雕蟲沮我勝氣丘明有恥子雲
不為乃未知宗臣所作王霸盡在及公大用激昂後來天
將以公為木鐸矣斯文豈喪而今也則亡嗚呼克生以輔
時而臣道不究致用以利物而人將安仰上撫床以念往
下輟相而哀至復見之於公焉太常議謚曰文貞二十年
秋八月甲申遷窆於萬安山之陽燕國夫人元氏祔焉夫
人故尚書右集作丞相武靈公懷景之女也動為柔範皆
可師訓及公之貴連姻帝室雖處榮盛若非在已內執謙
下外睦親踈古之賢明未始兼有開元十九年三月壬戌
薨于東都康俗里私第享年六十四長子均中書舍人次
曰均駙馬都尉衛尉卿季曰椒符寶郎泣血在疚皆我之

有後也嗚呼玄堂永闕何事春秋幽篆斯在亦云不朽而
已銘曰

天有密命滋液百寶時無大賢誰與明道我公允叶我德
孔昭翰飛戾天羽儀清朝功遂身謝名由實美言而有立
古無不死南山之下詔塋于茲後之與歸惟我太師

相國崔公墓誌銘

穆員

皇唐相國博陵公姓崔氏諱澳字某佐玄宗扶正厄運保
維宸極戴肅宗紹復大業底綏生人事代宗朝羽儀百辟
歷官二十三享年六十二以大曆三年冬十有二月二日
薨于道州刺史之寢明年歸祔于洛北陽邙山令上六年
追贈尚書左僕射夫人滎陽鄭氏華陰郡太夫人以子貴

也公娶前夫人生冢子常山公公之清德重望泊天官亞相之位事後夫人榮陽鄭氏恭公之理命以無遺為大而毘俛拘忌出入銜恤推周公合祔之事九龜從事逆者數嗚呼天不以西漢常平之美惠于吾君使常山下世未懷不集故有沒代之庸著遺令焉貞元元年秋九月季子京兆府三原丞楊孫前渭南尉元方哀奉常山之志逮乎在殯是月壬午啓博陵公之隧明月丁酉以華陰郡太夫人洎繼夫人隴西李氏之喪歸禮也公大父諱玄偉唐書中作瑞書令博陵王於皇唐有再造勲事具國史考璩禮部侍郎襲博陵王與魏元忠趙貞固為友出處齊名公則禮部之第二子也天寶中歷屯田左司二員外郎出為歙州刺史

換綿州錫金印紫綬大駕南巡以至誠大義感悟聖主中興之業見於言下擢拜門下侍郎平章事靈武即位與上宰房公琯奉冊書國璽唯新景命是時也中原有昇浞之亂東南有吳淠之釁乃三分天下之一以八柄付公俾公仗節督護河南山南江南淮南之地凡受賑專征者由公以律二千石已降唯所遷置公於是度用均賦息人繕兵外攘四封內叙多士望高寄重怙寵者排之降左常侍領杭州刺史俄轉常州徵拜秘書監太子賓客大理卿坐失繫囚移信王府傳轉尚書左右丞吏部侍郎御史大夫大曆中元載顛政中外附之公對敷內廷數其不赦之罪上舍之未諭公抗詞焉寺人屬垣漏言于載未幾有道州之

文苑英華卷一百一十五

役逞憾故也。公標鑒遐明，姿度弘粹，松茂玉潔，風清雨潤。文以經邦爲用，學以爲己爲宗。承祖禰以付子孫者，清白孝友，其哲人哉。夫人磁州刺史曾之孫，潁川太守長裕之女，年若干，捐公之館。子曰縱實，常山公繼夫人，舒州刺史紹之孫，左羽林錄事參軍晃之女，年若干，遺公之祿。子曰捷，世系表作捷捷仕萬年尉，不幸早夭。二夫人地清天和，夫賢子孝，四者均有之。清之發祥，和之應壽，賢之用貴，孝之報榮。天也，與吉凶俱。咨于叔父，揚曰：先志未從，不敢以見先祖。是日也，奉二夫人合于此室，既定而常山附焉。員常山門吏見託銘石，其詞曰：於穆元輔，歸全故丘。列樹已拱，清風悠悠，邈矣夫人。同凋上春，配忠生孝。翊聖懷民，賴及於國。慶達其身，五父雙啓。九泉同閉，遺厥嘉祥。及爾昆裔。

訂白八十一字

六月二十九日校

文苑英華卷第九百二十六

文苑英華卷第九百三十七

誌三

宰相二

相國義陽郡王李抱真墓誌一首

相國武昌節度元稹墓誌一首

相國義陽郡王李公墓誌銘

穆員

皇唐九葉天啓元聖運并中否盖有苗不恭舜德於是乎
 盛後狃孔熾周道於是乎興而我相國太保義陽王文武
 命代經綸應期柱石將傾舟楫未濟腹心王畧爪牙天罰
 芟夷大憝覆冒生人公諱抱真字太真本姓安氏世爲涼
 州盛族高祖修仁佐太宗征伐益大其家寵位本州啓封
 申國魯祖興表作開府儀同三司左驍衛大將軍祖恪表作

唐宰相世系表作鄭

恪陳州司馬贈兵部尚書考濟管贈太子太保或才光作

克于時或道屈于命從父兄司徒涼國公抱玉事肅宗代

宗勲著王室錫以天姓代宗之初僕固懷恩怙兵犯順公

時再命汾州別駕隨州陷焉懷恩雅奇公才而懼公之不

同所以待公與衛公者借切公竟以勇智自脫投身京師

上方以懷恩為憂不啻於祿山思明之難遣公進討公曰

郭子儀領朔方之衆人多思之懷恩因入之心以邀其勢

給其衆曰子儀為魚朝恩所戮劫而用之今若復子儀之

位可不戰而克上嘉而納之其後懷恩父子皆敗朔方有

衆洎西北兩蕃望子儀而頓伏皆如公策拜殿中少監擢

總清列擇盛當時卿大夫賢者從之遊朝論美價於斯為

澤

重大駕幸陝欲遂都洛陽公入陳婁敬子房之說且曰臣

見犬戎今已遁去翌日長安告至如公之言代宗器公之

才將試其用詔兼御史中丞充陳鄭澤潞節度留後公以

所奉之主則從父兄司徒公乃深惟大雅明哲之義罷請

番府願効列郡優詔從之拜澤州換單懷二邦之人得公

失公皆如父母未幾復統番府之政累加御史中丞左散

騎常侍并領磁邢二州增秩加邑國之報也今上即位用

聰明神武照臨不庭命方叔召虎鎮衛四國是用授以黃

鉞俾以專征而方命之徒畏威先舉田悅以暴兵五萬寇

我東鄙却邢州圍臨洛守將乘城如山不拔忿志且恥既

悉索境內且乞師于隣掘地于雲壕壘數合上絕飛鳥下

及黃泉公躬執鉦鼓屢挫其銳詔命太原節度使今侍中馬公與公合縱且曰盡敵非疑是摧堅陣於雙岡釋重圍於二城殲逆徒於洹水凡三戰三北退伏于魏窘如囚拘逆將朱滔誘今司徒王公合范陽恒山之眾來為悅援公與馬公泊郡帥屯于魏橋相持卒歲無何京師有朱泚之亂鑾輿外次郡帥失圖蒼黃還師唯恐在後公徐統士馬退次洛州旋奉詔書俾勤所職于時將卒倦戍久矣及其還也如川壅而潰勢不可遏公以至誠大義發為號令俾四郊激勤王之志三軍忘思歸之心進師漳河獨壓強寇先是與公戮力太原朔方盟津洎神策四帥十萬之旅一朝雨散孤軍特立天下危之公忠貫天地機先鬼神動如

雷霆峙若山岳銷難於未朕成功於無戰氛侵四廓豺狼坐隴上在奉天躬禹湯勃興之德曰萬方有罪罪予一人發號改元與人更始公奉揚天澤浹于四隣增日月之明廣雷雨之施由公而復爵位者今司徒王公泊魏博青齊三帥凡三道數十州百萬旅歸于聖理公之功也朱滔以幽燕勁卒獯虜驍騎將欲橫行咸洛崛強中原輔其兄泚窺伺神器公以竒謀正義問說成德威德與滔契重婚姻事同艱阻與公交鋒對壘積為敵讐乃為國為公忿滔如嚮將欲自竭先誠於公投我以可疑報之以必信公與王公之相見也王公旌旆車騎亘如長雲晦日蔽天風驅而至公以數騎徑造其前王公叱去左右躍鞍而下交臂號

譟聲聞昊天即日兩軍億萬之師悉如兄弟公遂入其壘授之以畫明日合勢大破滎軍于涇城之西滎鼠窟舊巢至死不振逆泚折臂群兇奪魄諸將聞風益壯踵武獻功既而妖彗滅星纏復鯨鯢戮九字一作妖彗滅光星纏復觀恐非海水清而振曜靈威興復昌運自我而始其天啓歟公使將如臂使卒如指決勝于千里之外者則河中拔淮夷殄分彼成功什三四焉初臨洛之解遷工部尚書洹水之勝轉兵部魏橋之勤加右僕射漳濱之固轉左僕射同中書門下平章事朱滔之敗遷司空食實封五百戶貞元初上有事于上帝列祖公得請會朝宣室受釐明堂布政對揚丕顯錫命蕃庶方寄肱股而藩屏是切方屬周召而桓文是賴數月

相作

受命還鎮公之鎮於潞也垂三十年撫五郡四封之人作之醫作之師生成之富庶之耆老詣闕願刊金石詔俾時宰揚其頌聲廼者大梁東平二帥交惡僉使上介質正於公公以天道助順神明與直裁而辨之司徒王公以不二心合公一德資稟明畧有如元龜議者謂上黨之俗地狹而力氣寒堅冰蓋戰國武卒之餘也故長於步冀之地土馬之所生故長於騎而公與王公天下之傑也各因其俗之所長以伯諸侯嗚呼使公將步王公將騎以征四方以獎王室亂臣賊子誰敢萌心上天為何而降公疾願守謙損固辭崇高請罷三公拜章七遷天子重違宗臣之請又迫蒼生之望退授僕射而安危注意之任猶以煩之十年

六月一日薨于位春秋六十有二皇上震悼輟朝三日所以贈襚之品禮極數殫中貴護喪達于洛泗冬十月九日葬於澠池祔先君太保之塋禮也公自生勲門幼被儒術長覽太史公班孟堅書服從衡之言至於兵法尤其天性而體乾之剛利坤之貞煦春之仁厲秋之義蹈禮之節包樂之和是以文昭扶翊武著懃靖行備九德政成百度忠與勲偕業與時併兵符相印與身終始開國傳家與國無窮盛矣哉公再娶于鄭華宗令德其偶而一前夫人滎陽郡夫人皇洛陽令汲之子也不幸早世後夫人沂國夫人皇洛州壺關令鞏之子也昔以賢輔貴今以哀報榮既大公門且肥公室初公之棄三軍也嗣子前殿中侍御史緘

為墮淚所迫俾嗣公位緘曰為先人之嗣者苟生非忠冒死非孝深惟自免之計既而忠孝全焉次子幼成季子幼清次女適清河崔弘雅有幹父裕母之美長女幼女並從西方之教各得其旨緘等以公成功盛德列于史策流于歌頌傳于故老之口巍巍乎其不朽矣若丘壑遷化歲序超忽則貞石是賴不可以不識焉爰假菲詞俾鋪玄壤銘曰

陰陽成歲百物以生聖賢撫運天下以平神武嗣統朝陽啓明照臨萬邦震曜不庭蠢彼昏迷為國機槍桓桓乃命徂征風行王化雷動天聲靡守不固何攻不傾信信一作信馴忠真一作真茫茫氛祲於變廊清入覲于王惟周一作周之禎帝

念藩翰復我長城宜錫難老以主夏盟柰何昊穹天椽作一
謝壯齡善積存沒報窮哀榮勒勳王府遺業生靈歸我真
宅封山表瑩永閉泉戶與天壤并

此篇元在九百三十八卷職官門今移于此

相國武昌君節度觀察處置等使正議大夫檢校戶

部尚書鄂州刺史兼御史大夫賜紫金魚袋贈尚書

右僕射河南元公墓誌銘 白居易

公諱稹字微之河南人六代祖巖隋兵部尚書封平昌

如此是英華作武平集作昌平並非公五代祖弘隋北平太守高祖義端魏

刺史曾祖延景岐州參軍祖怱南頓縣丞贈兵部員外郎

考諱寬比部郎中舒王府長史贈尚書左 集本文粹作右 僕射妣

滎陽鄭氏追封陳留郡太夫人公即僕射府君第四子後

魏昭成皇帝十九代孫也公授天地粹靈生而岐然孩而

疑然九歲能屬文十五明經及第二十四調判入四等署

祕書省校書郎二十八應制策入三等拜左拾遺即日獻

教本書數月間上封事六七憲宗召對言及時政執政者

疑忌出公為河南尉丁陳留太夫人憂哀毀過禮杖不 粹

而能起服除之明年授監察御史使於蜀按任敬仲獄得

情又劾奏東川帥違詔條過籍稅又奏平塗三輔等八十

八家冤事名動三川三川人慕之其後多以公姓字名其

子朝廷疾 二本東諸侯不奉法東御史府不治事命公分

臺而董之時有河南尉離局從軍職尹不能止監察御史

集作

文苑英華

死其柩乘傳入郡二本無入郵郵吏不敢詰內園司械繫

人踰年臺府不得知飛龍使匿趙氏亡命奴為養子主不

敢言浙右帥一作使封杖杖一作結吉安令至死子不敢愬凡

此者數十事或奏或劾或移歲餘皆舉正之內外權罷臣

無柰何咸不快意會河南尹有不如法事公引故事奏而

攝之甚急先是不快者乘其便相噪嗾坐公專達作威黜

為江陵士曹掾居四年徙通州司馬又四年移虢州長史

長慶初穆宗皇帝二本無嗣位舊聞公名以膳部員外郎

微用既至轉祠部郎中賜緋魚袋知制誥制誥王言也近

代相公多失於巧俗自公下車俗一變至於雅雅一字二

變至於典譽時謂得人上嘉之數召與語知有輔弼之

才二本作知其擢受中書舍人賜紫金魚袋翰林學士承

旨尋拜工部侍郎旋守本官同中書門下平章事公既得

位方將行已志答君知無何有檢人以飛語構同位詔下

案驗無狀上知其誣全大體與同位兩罷之出為同州刺

史始至急吏緩民省事節用歲收羨財千萬以補亡戶逋

租其餘因弊制事贍上利下者甚多二年改御史大夫浙

東觀察使將去同同之者幼鰥獨泣戀如別慈父母遮道

不可遏送詔使道集作呵麾鞭有見血者路闢而後得行

先是明州歲進海物其淡蚶非禮之味尤速壞壞課其程日

馳數百里公至越未下車輒奏罷自越抵京師郵夫獲息

肩者萬計道路歌舞之明年辨沃瘠察富貧二本勞逸審

二本作貧富

以定稅籍越人便之無流庸無逋賦又明年命吏課七郡人冬築陂隄春貯雨水夏溉旱苗農人賴之無凶年二本無此

三無餓殍在越八載政成課高上知之就加禮部尚書降字電書慰諭以示旌寵又以尚書左丞徵還旋改戶部尚書

鄂州二本岳節度使在鄂三載其政如越太和五年七月二十一日遇暴疾一日薨于位春秋五十三上聞之軫悼不

視朝贈尚書左二本僕射加贈賜二本馬前夫人京兆二本常氏懿淑有聞無祿早世生一女曰保子適校書郎常絢

今夫人河東裴氏賢明知禮有輔佐君子之勞封河東郡君生三女曰小迎未笄道衛道狀齟齬一子曰道護三歲

仲足司農少卿程二本積姪御史臺主簿某等銜哀襄事裴夫人常氏長女聚諸孤等號護廡嬰以六年七月十二日

附塋於咸陽縣奉賢鄉洪瀆原從先宅兆也公著文一百卷題為元氏長慶集又集古今刑政之書三百卷名類集

並行於代公凡為文無不臻極尤工詩在翰林時穆宗前後索詩數百篇命左右諷誦宮中呼為元才子自六宮兩

都八方至南蠻東夷國皆寫傳之每一章一句出無脛而走疾於珠玉又觀其述作編纂之旨豈止於文章刀筆哉

實有心在於安人治集作國致君堯舜致身伊臯耳抑天不與耶將人不幸耶予嘗悲公始以直躬律人行而勤之

則坎壈而不偶謫瘴鄉凡十年髮班白而來歸次以權道濟世變而通之又齟齬而不安居相位僅三月席不煖而

文粹
作名

二
本
作
未

罷去通介進退卒不獲心是以法理之用止於脩二本一作舉一
職不布於庶官仁義之澤止於惠一方不周於四海故公
之心不足也逢時與不逢時同得位與不得位同富貴與
浮雲同何者時行而道不行身遇而心不遇也執友居易
獨知其心以泣濡翰書銘於二字墓曰
嗚呼微之年過知命不謂之夭位兼將相不謂之小然未
康吾民未盡吾道在公之心則為不了嗟乎哉二字文粹
哉道廣而俗隘時矣夫心長而運短命矣夫嗚呼微之已
矣夫

校四九十五字

七月朔

文苑英華卷第九百三十七

文苑英華卷第九百三十八

誌四

宰相三

丞相太子少保牛僧孺墓誌一首

東川節度使周墀墓誌一首

丞相太子少師竒章郡開國公贈太尉牛公墓誌

銘

杜牧

唐佐四帝十九年宰相牛公諱僧孺字思黯八代祖弘以

德行儒學相隋氏封竒章郡公贈集作文安侯文安後四

世諱鳳及仕唐為中書門下侍郎僧孺史於公為高祖集州刺史贈給事諱休克於公為曾祖集州生太常博

士贈太尉諱紹太尉生華州鄭縣尉贈太保諱勿聞太保

生孤始七歲長安南下杜樊鄉東文安有隋氏賜田數頃

文苑英華卷九百三十八

集本文字
無直字

集本無
此字

書千卷尚存公年十五依以為學不出一室數年業就名
 聲八都中故丞相常公執誼以聰明氣勢急於褒收如柳
 宗元劉禹錫輩以文學秀少皆在門下常公亟命柳於樊
 鄉訪公曰願得一相見公乘驢至門常公曰是矣東京李
 元禮為後進師隋竒章公仁德祿位二者包而有之登進
 士上第元和四年應賢良直諫制數強臣不奉法憂天子
 熾於武功詔下第一授伊闕尉以直被毀周歲凡十府奉
 取不下伊闕滿歲郟公士美以昭義軍書記辟凡三上請
 詔除河南尉拜監察御史丁母夫人憂制終復拜監察御
 史知雜事改考功員外郎集賢殿直學士庫部郎中知制
 誥賜五品命服半歲遷御史中丞宿州刺史李直臣以賊

數萬敗穆宗聽具德本偏詞於中稱直臣冤且言有才宰相
 言格不用公以直具臣獄奏上曰直臣有才可惜公曰彼不
 才者無飽食以足妻子安足慮本設法令所以縛束有才
 者祿山朱泚是才過人而亂天下上因可其奏曰善賜章
 服金紫遷戶部侍郎掌財賦事上益親重欲相之會中書
 令韓弘男公武謀曰大人守大梁二十年齊蔡誅後始來
 朝今不以財援中外設有飛一詞者誰以二本保白公武
 齋弘書獻公錢千萬公笑曰此何名為公亟持去明年弘
 公武繼卒主藏奴與吏訟於御史府上憐弘大臣父子併
 死稚孫將家事走中使至第盡取財簿自閱視凡中外主
 權多納弘貨獨朱勾細字曰某年月日送戶部牛侍郎錢

千萬不納上大喜以指曆簿遍視旁側曰果然吾不謬知
人殿上皆再拜呼萬歲尋以本官平章事明年正位中書
侍郎加銀青三品兼集賢殿大學士監脩國史敬宗即位
與武士吹宴無時徵天下道士言長生事公亟諫曰陛下
不讀玄元黃帝五千言以清淨養生彼道士皆庸人徒誇
欺虛荒豈足師法未一歲請退不許連四月日間以疾辭
乃以鄂岳六州建節號武昌軍命公為禮部尚書平章事
為節度使公始至問民疾二本苦皆曰城土棘惡歲輸糶
竹為苦具姦吏旁緣主為侵取費與稅等歲久前後政欲
畫計策訖無所施公即除去冗長用公私錢陶塲成城糶
作城凡五年乃就明年文宗即位就加吏部尚書明年急徵

拜兵部尚書平章事再二本拜中書侍郎弘文館大學士

鄭注怨宋丞相申錫造言挾漳王為大逆狀跡牢密上怒

必殺公曰入臣不過為宰相今申錫已為宰相假使如所

謀豈復欲過宰相有他圖乎臣為中丞愛申錫忠良奏為

御史申錫之心臣敢以死保之上意改由是宋不死大和

六年西戎再遣大臣擊二本寶玉來朝禮倍前時盡罷東

嚮守兵用明臣附李太尉德裕時殿劔南西川上言維州

降今若寇文生羌三千人燒十三橋檣戎腹心可洗久

耻是常臯二十年至死恨不能致事下尚書省百官聚議

皆如劔南奏公獨曰西戎四面各萬里來責曰何事失信

養馬如蔚川在平涼上平涼坂萬騎綴田中怒氣直詞不

養馬如蔚川在平涼上平涼坂萬騎綴田中怒氣直詞不

三日至咸陽橋西南遠數千里雖得二本維州此時安可

用棄誠信有利無害匹夫不忍為况天子以誠信見責於

夷狄且有患上曰然遂罷維州議太和六年檢校僕射

平章事淮南節度使經六年至開成二年連上章請休官

詔益不許公曰臣唯退罷可以行志夏五月以兵付監軍

使拜疏訖就道除檢校司空留守東都明年拜右二本僕

射上恐公不起詔曰朕比有疾良已思一面叙公不得已

至闕下一拜謝閉門不出明年檢校司空平章事襄州節

度使出都門賜黃尋蹲龍杓凡六器名出周禮詔曰精金

古器用以比况君子非無意也襄州七年假饒軍人入賦

不一公至據地造籍免貧弱四十萬均入豪強皆曰甘心

不出一怨言明年武宗即位就加司徒會昌元年秋七月

漢水溢堤入郭自漢陽王張柬之一百五十載二本後水

為再大李太尉德裕挾維州事曰脩利不至罷為太子少

保二本未幾檢校司徒兼太子太集作保明年以檢校官

兼太子太傅晉守東都劉稹稹以上黨叛誅死時李太尉專

柄五年多逐賢士天下恨怨以公德全畏之言於武宗曰

上黨枕左京控山東劉從諫父死擅之十年後來朝

加宰相縱去不即二本無留之致至積叛竭天下力乃能取

此皆公與李宗閔宰相時事從諫以大和六年十二月十

七日拜闕下公實以某月十九日節度使淮南明年正月

從諫以宰相東還河南少尹呂述公惡其為人述與太尉

從諫以宰相東還河南少尹呂述公惡其為人述與太尉

書言積破報至公出聲歎恨上見述書復聞前縱諫去壘

二怒不一參校自十月至十二月公凡三貶至循州員外

長史天下人為公按手咤罵公走萬里瘴海上二年恬泰

若一無事今天子即位移衡州汝州刺二本史遷太子少

保少師凡四年復位大中二年十月二十七日薨于東都

城南別墅年六十九天子恫傷不朝兩日再集作贈大師

二本天下善人執手相吊哭公忠厚仁恕莊重敬慎未嘗

不以此八者自勉而終身益篤為宰相急於銓品凡名清

官不忍持一資以假非其人以道德謨於天子每指古義

為據有言機利克進音劓必釶音劓使之摧破三大邦去

苛碎條約除民一本無大患其輕巧吏欲賦公愛惡希嚮

所為渾然終不能見故所至必大治衣冠單窮出俸錢錄

其子女月與食歲與衣資送其死喪凡數百家李太尉志

必殺公後南謫過汝州公厚供具哀其窮為解說海上與

中州少異以勉安之不一言及前事鎮武昌時軍容使

仇士良為監軍使公律以禮敬暑甚大合軍宴拱手至暮

一不搖扇亦益自儉克平居非公事不出內屏周三歲語言

舉止率有常度仇軍容開成末首議立武宗權力震天下

每言至公必合手加額二本曰清德可伏二本人但過悵

官財與人無一毫恩力二本耳不肯引譽不敢怨毀淡居

其中公始自河南薦鄉貢士為郎官考吏部科日選三開

幕府中丞相外凡取六十餘人上至將相次布臺閣皆當

時名士每暇日讌語察吏必言古人修身行事旁誘曲指
微警教之不以已所長人所不及裁量高下以生重輕後
進歸之承望聲先行一言許可必自矜重夫人辛氏以公
封張掖郡贈僕射祕之長女士林稱爲婦師凡二十年前
公八年歿五男六女長曰蔚監察御史次曰叢浙東諸本並作
南府協律郎皆以文行登進士第不籍公勢次曰奉倩河
南府洛陽尉二人皆稚齒長女嫁戶部郎中上黨苗愔次
女嫁河中節度使檢校郎中范陽張洙次女嫁河南府集
賢校理常山張希復次女嫁前進士鄧淑次女朱笄一人
始數歲以其年月日塋少陵南某鄉某里銘曰
道既訛衰必有以扶救公之生以隆其汚二林作幽以燭明

曠以雨濡以教其徒以佐天子滅絕霸駁如有樞柅標揭
文粹作獨峙倚巍乎二紀臣宗德老鉅傑魁礪孰爲忌畏諧去
南海不校不辨旋文粹作奉復顯大百行渾圓隣於及年以歸
其全

東川節度使檢校右僕射兼御史大夫贈司徒周
公墓誌銘
前人

周平王次子烈封汝墳侯秦以汝墳爲汝南郡侯之孫因
家焉遂姓周氏自烈十八世至西漢周仁繼烈封侯其後
逃西晉亂南去黃岡靈起仕梁爲桂州刺史生冕在陳爲
車騎將軍靈生法明年十二月命一巴州刺史陳滅臣隋爲
趙之真定令隋亂歸黃岡起兵取蘄安沔黃武德中籍四

州地請命授總管斬安十六州軍事光祿大夫封國於道
 太宗命虞世南銘書墓碑相國為六代孫曾祖惲汝州梁
 縣令祖沛左拾遺王一作皇考題右驍衛兵曹參軍贈禮部
 侍郎公少孤奉養母夫人以孝聞舉進士登第始試秘書
 正字湖南團練巡官母夫人亡哭泣無時里人過公盧曰
 無驚周孝子後自留守府監察真拜御史集賢殿學士李
 公宗閔以宰相鎮漢中辟公為殿中侍御史行軍司馬後
 一年復以殿中書職徵歸時太和末注訓用事夏六月始
 逐丞相宗閔立朋黨語鈎挂名人凡百日逐朝士三十三
 輩天下悼懾以日受意附兇者屢以公為言注訓曰如去
 周殿中恐人益驚竟不敢意注訓取公為起居舍人文宗

復二史故事濡筆立石螭下丞相退必召語旁側窺帝每
 數十顧遷公員外郎帝曰周某不可不見宜兼前官數月
 以考功掌言事謝日帝曰就試翰林公辭讓堅懇帝正色以手
 三麾之遂兼學士遷職方郎中中書舍人政事細大必被
 顧問公終身不言事故不傳武宗即位以疾辭出為工部
 侍郎華州刺史八禁軍二十四內司居華下諸集作藉沒
 等百姓不敢妄出一詞李太尉德裕伺公纖失四年不得
 知愈治不可蓋抑遷公江西觀察使兼御史大夫公既得
 八州施展教令申明約束發虔守陳奔賊坐弁以法死吏
 手膠拳窮御遠井如公在旁縛出洞寇劉太朴徒數百人
 斷發根脉無有遺失彭蠡東口戍五百人上下千里無一

賊跡遷禮部尚書鄭滑節度使老將某項領不如教約公
鞭背降為下卒聲北入魏皆曰周尚書文儒能治百姓仁
愛兵士而後敢爾是豈可一集作十字犯九一作十歲入拜兵部
侍郎節度支兼戶部東集作吏曹事積邊糧谷九十萬石今
天子即位二年五月以本官平章事後一月正位中書侍
郎監脩國史就加刑部尚書因河湟事議不合旨以檢校
刑部尚書出為劍南東川節度使明日入謝面加檢校右
僕射公自舉進士策非其人不交一集無一字言旁觀後進鑄
心鏤志及為將相進取遠挽悉置于位李太尉德裕會昌
中以恩撰元和朝實錄四十篇益美其父吉甫為相事公
上言曰人君猶不改一作觀史人臣可改乎元和實錄皆當

時銘士自書事實今而不信而信德裕後三十年自名父功
衆所不知者而書之此若垂後誰信史竟廢新本并帥王
宰剗所部財貨承事貴倖自請來朝聲言我取平章事鎮
大梁公上言曰宰破太原取汴州不知天下治所凡幾得
如太原汴之大者可飽宰欲乞宰還鎮自補其殘後二日
還宰詔下駙馬都尉常讓求為京兆尹公言曰尹坐堂上
階下拜二赤縣令屬官將百人悉可答辱非有德者京兆
不可為豈止取吏事讓議竟寢自此非道求進者鼠遁自
屏及鎮東蜀一歲欲歸閑洛師微得風恙公曰我今去是
以疾去疾愈去非晚大中五年歲在丁未二月十七日薨
于位享年五十九訃至廢朝三日冊贈司徒命諫議大夫

盧懿弔恤其家公信於朋友公於為官事親出去告還而
 家事不敢自專同曾祖兄弟入門呵咎奴婢衣服飲食無
 二等免相位西去送公還者雖武將散秩嘆惜咨嗟曰周
 相公無私我惜其去六將一存曰豈有私乎夫人義與
 蔣氏先公某年終生二男一女長曰寬饒崇文校書次曰
 咸喜京兆參軍皆孝謹有文學女嫁起居舍人薛蒙大中
 六年歲次壬申二月十二日歸葬先塋河南府河南縣穀
 陽鄉立行里銘曰姬之支封國自為姓以周為氏入唐不
 盛烈後幾世厥生賢孫當唐中興為唐相臣文思天子誇
 古為治提起王道以公為倚音遠剛蹊巢竅出者鳥駛誰塞
 誰棘勞分碎指三屏大邦駿壯武事哺撫稚蓋集作父母
 子曰將曰相公其愧幾指古為比公其無愧以公遺去
 唐而後公死不錫壽考誰其辨之辨
 此篇元在九百三十九卷職官問今移于此

校一百四十七字 七月朔

文苑英華卷第九百三十九

誌五

職官一

安南副都護畢公墓誌一首

福建觀察使鄭叔則墓誌一首

陝虢觀察使盧岳墓誌一首

安南都護張公墓誌一首

嶺南節度使徐中墓誌一首

宣州觀察使常溫墓誌一首

安南副使都護畢公墓誌一首 張九齡

全諱某字某東平人四世祖義雲比齊度支郎中青州刺

史曾祖琰真觀初并州白馬府右果毅都尉集作左衛郎

將祖父蒲州河東令坐事左轉桂州歸義縣丞因家于始

安集作父誠舉孝廉高尚不仕公即孝廉府君之子稟靈

純茂姿性開朗亦既志學休有令聞雖在諸生之中已有

萬人之望矣夫忠有世善有元仁於其親友于兄弟豈尚

行所致其因心而然公之植身根萌素厚操本制末何適

非宜故為政之方所從來遠矣某年初有御史將命黜陟

幽明公時盤桓居貞未有攸往而使者承式固才是求褐

衣見召直繩斯委乃表公授梧州錄事參軍非其好也先

是剽劫在境行李所病綱佐無機逋盜肅然歲蒲換廣州

滇陽令事必簡舉人用安集作便莫不咨嗟未始見也尋

轉韶州司馬其政如初秩滿丁母集作憂公有至性幾於

毀滅廬墓展哀泣血扶病有加一等不唯三年嶺南按察

使廣州都督兼御史大夫蕭璿彼孝悌之士也以錫類之

故有嘉德音於是版一作補按察判官義行相成終始如

一尤加欽重特以表文勅授新州刺史屬恩州酋帥日尋

干戈將有式遏寔資明允後按察使廣平郡公宋璟以公

為五府總管以甲卒戍焉雖臨之集無之以兵威而開之

以恩信俾忿鷙狼戾化梟為人廣平公深以為能奏假恩

州刺史俄又真受授夷落大寧尋加朝散大夫遷端州刺史

居必致理莫匪嘉績并護之寄朝選以歸於是加秩中散

大夫拜安南副都護致官未幾間忽遷殂時年六十某年

文苑英華

務華學皆爲已所蒞數郡遺愛在人全已而歸可謂厚矣
有子曰某銜恤終天愴哀遠日永惟稱伐存乎幽篆銘曰
猗歟畢侯濬源長流愛民于畢爰自有周彼美世載實惟
孫謀賢哲繼軌斯其遠猶嗟彼懿宗是生孝友和實內積
行非外誘家邦必聞人倫歸厚微此令德夫豈善守亦旣
從政厥問載榮邑能訟息郡用禮成蠻夷慕教鳴梟變聲
九真副領萬里楊旌護彼絕域義忘險艱提律未改再旆
而還存歿之際忠孝之間徽音無泯篆德茲山

福建觀察使鄭公墓誌銘

穆員

唐貞元八年四月十六日福建團練觀察使福州刺史兼
御史大夫鄭公薨于位明年孟夏己酉朔歸塋于東郊高

安山之南原龜吉筮吉即于人謀且曰前望先君俾公之

體魄列侍于後與茲山父還顧洛邑俾爾子孫盈如市朝

生沒於斯公諱叔則字某榮陽人自元魏中書令周小司

空金卿文公穆凡五葉至皇朝遂州刺史老萊代以婚姻

德義俱爲家法相授公則遂州之冢子也未冠以明經擢

第凡五命至御史府又再遷歷尚書省以屯田員外郎介

吏部侍郎李卿觀風之命議者躉之李公出納稱職且多

貢巖藪幽滯充于王庭繫公是賴轉庫部相國王縉受居

東之寄又資公以畫拜檢校吏部員外郎使罷而真凡吏

部分天下之疑折無文之中瑛曰廢置清九流之路坦多

士之門曰南曹公酌其會通流守以貞固七考二職日新

厥聞于繼母艱免服拜刑部郎中皇上即位思與四方萬
姓聖家至而日見之制臨遣八使必朝之良公為首冠清
選分命于西江閩越之地所至蠲疾所去遺利並命者取
而法焉兩河不開命帥梁汴且所求卻穀穀之比為其中軍授
檢校秘書少監兼御史中丞克平克平軍節度副使之官拜御
史中丞廉問東夏俄領東都留守兼河南尹就加戶部侍
郎仍再位副相之寵持憲以清明律下牧人以禮讓和俗
保釐以威重懷遠寇不敢犯吏不忍欺扶危以安制動以
靜罷鎮歸省轉尚書左丞未幾兼御史大夫撫淮夷反側
之俗四牡蒞止萬人革心如風之清如雨之滌復命遷太
常卿國有大事主辦多儀加銀青光祿大夫轉京兆尹理

行三載惟遭權臣構愆貶永州長史謫去之日京師邸第
巷隘車不得前怨咨之聲雷動天聽旋以非罪拜信州刺
史居數月又有四嶽十二牧之換方以和風清德移蠻貊
之風何斯人之幸與上天之祐較彼炎瘴而不勝焉夫人
范陽盧氏著作郎侑之女也望申北州德成公家不幸早
世事具前誌生一子曰約河南府洛陽縣主簿後夫人范
陽郡夫人盧氏華宗美行與前人如一加繁祉餘慶續公
之榮生二男一女納前弘文生紳右千牛衛備身女未笄
是日約前巳日奉范陽夫人命舉前夫人柩會公之喪禮
也公之為德也溫純深潤高厚博達文以禮樂本於中和
犯不違仁愠不傷善滔然如川澤無不容之者及其秉操

厲俗好是正直不畏非畏不疑可疑酷惡春秋之左一作巫疾陰陽之拘忌嶷然如斷山絕巘不可以邪徑造乎嗚呼使公之得志也天下之人非法言不言非大道不蹈此可以為天子大臣未絕遑數其餘哉是以壽七十有一歷官二十有八政朝仰故事人懷遺德門列朱戟家垂清風而遊公藩者猶以不期願為嘆問神明焉約等以為哀報揚名莫如紀述謂員昔備吏未嘗司斯文將期飾終何敢廢職銘曰

嗟哉公居此室倚夫人會琴瑟萬安南山瑞氣浮洛陽比國家聲流屢千祀今日悠悠

陝號觀察使盧公墓誌銘

前人

唐貞元四年夏六月陝號都防禦觀察轉運等使陝州長史兼御史中丞范陽盧公壽六十中疾于位優詔得謝家東都履信里秋七月甲戌終于其寢冬十月乙酉歸于此堂禮也萬安之腹因山而封嵩丘伊流還帶捧抱龜筮叶吉神宅是宜府君諱岳字周翰其先齊太公之後公子高奚食菜於廬因以命氏及自東漢中郎植乃元魏秘書監陽烏第四子都官尚書道慶凡十葉代代得祿其兄子思道所著家譜詳之道慶生齊左四子昌衡昌衡生隋澤州內部長寶素寶素生皇朝綿州長史安壽安壽生汝州司馬正紀正紀生絳州聞喜令杭抗惟是婚姻其類為義方相襲禮樂冠蓋侔其盛焉府君聞喜之第二子也發地之

祥鍾天之和處爲孝而友悌從之出爲忠而貞諒從之施
於事物爲聰明純粹而寵位從之天寶末擢明經調宋州
襄邑主簿歷婺州夔州二錄事參軍以大理評事兼監察
御史始佐湖南觀察之政前帥常之晉倚之以清後帥卒
京杲籍之以立旣真拜又稍遷殿中侍御史京杲入覲咨
以留府時有驕將數人京杲實父子兄弟之其蹈罪姦令
率以爲順府君告之以刑辟明之以無赦而郡帥如故乃
盡戮之由是軍政理而庶政舉初朝廷之任京杲也以恩
舊用不責之以龔黃之績至是還之不可易之不能留之
京師以盡府君之美若是者五載累錫銀印朱紱金章紫
綬加侍御史建中初今上嗣位有自屬部譎官入爲相者

謂公才膺方鎮受容府經略招討等使就加御史中丞南
越曠俗井稅之入鮮具其布帛之幅通流之貨悉異中土
府君以美利利之王制制之又每歲有西原之警府君布
政群盜爲人元年季春賦入貞元三年未朝拜少府監上
以陝郊之守藩垣二京冠冕諸夏非沃心之臣勿授前此
元臣授之是爲郡伯今相國李公自中書侍郎徵拜思嗣其事重難其選
府君於是乎有由衷之拜惟事小不敢不戒大不敢不懲
日巖祗恪惟新厥舊由是軍服其嚴明而報之以肅吏從
其簡易而報之以理惜乎其自下車及遘癘不十月焉嗚
呼有其才無其時之嘆不甚於有其時而無其命今之方
鎮蓋唐虞四嶽十二牧之職而周漢肱股瓜牙之任府君

承堯之咨庸舜之俞累分共理之憂方咨薄伐之効凌風
拂翼徘徊於冥冥之間何天奪上心而命孤人望是可以
爲嘆歟府君前娶隴西李氏實姬姜之偶先春早落今也
力不及遠未遑合祔繼室以同宗同德而年位異之三子
載幾戡一作長齒未童幼哀及禮洎兄子嘉猶稟伯父永
州司馬嶠之命泣血襄事見託於銘詞曰世重五姓冠于
百族倬彼山川來宗嶽瀆帝慈蒸黎命分司牧慎選良臣
俾之戮穀荷歟府君受天之祿未見其止如何不淑丘隴
何所郊原重複瑞氣嘉祥於是乎育前川爲陵北地爲谷
世系德代於是乎獨

金紫光祿大夫檢校禮部尚持節度都督廣州諸

軍事兼廣州刺史御史大夫充嶺南節度度支營

田觀察處置本管經畧等使東海郡開國公贈太

子少保徐公墓誌銘

權德輿

李翱撰徐甲
行狀作仁徽

公諱申字維降東海郟人五代祖周宣州刺史瓌瓌生隋
江州司馬宴宴生吉州太和丞仁澈仁澈生皇吏部郎中
諫議大夫玄之玄之生公烈考汾州司戶叅軍贈信州刺
史用仁大凡自仁而下義世其家諫議之文行信州之廉退及公始大未
泰初嘗疑著作賈常侍至操柄儀曹舉士林之菁華舉進
士上第調補秘書正字四征翹車相屬於途望公舉趾以
爲重九江而西服嶺而南與朔塞被邊之地聯爲命介歷
大理誣事司直監察御史太子司議郎殿中侍御史錫以

章綬冀國路公之誅哥舒晁也公以從事主謀居多嗣曹王之守鍾陵而誅李希烈也公以長史行刺史調州師以護饗道厥勞茂焉江漢既清拜韶州刺史先是長史不任職官曹弛廢刺史寓於理下邑之令丞與編人雜處比屋逋亡公田為蕪公乃假之耕牛賦與種食人人自占視其力而為之制歲乃善熟積為倉箱於是計徒庸程日力作為城寺大治垣屋廐置市列道橋器用皆備焉罷去之日夫家名數倍差於始至而不書于籍邑子張棣等五百人獻其理狀得請於觀察府以函奏書請立碑詞公程然止之曰此刺史職且一旦上聞與沾伐者何異所不忍為也府不能奪改合州刺史以先濮陽郡太夫人兆域未祔表

求改墓總麻既除以御史中丞領景州刺史自兵興四十年山東諸侯率強犬驕蹇郡二千石多自命於轅門蓋縣官息人含垢而因緣漸漬然也至是朝廷以滄州負海勁兵攸處乃建節將幕庭裂屬城以置支郡會其帥亦請缺守於朝朝論難之二府比推擇未稱因召公入見而面命焉錫命服文馬緡錢五百集作十萬尋加節度副使中朝之條職慮令始被于景人是歲節度使來朝既從父兄為代表公以本官為軍司馬陳情去職徵還京師復以御史中丞出蒞邕州領經畧之任開南蠻徼道宣明威信種人黃氏納質請命化條風行獷俗以清明年中貴人持兵符詔書至部以御史大夫督南海二十一州軍事而節制焉前

此守臣物故軍吏乘變竊發印符易置部校拔用惡少年百輩軍中幾亂相率亡命公既至捕誅首惡悉原諸誑誤者夷越負險阻白晝攻剽變夷根株使無遺類然後布以寬大人安作業滇漲之外巨商萬艦通犀南金充物物狎至天子之恩澤賜予聲明物采皆待焉上應急宣以馳疾傳下無強賈用絕姦利和輯招徠外區懷之則四封之內其理可知也朝典疇庸進階至銀青光祿大夫時庸蜀未靖公密疏請發卒徒五千循伏波故道由興寧抵岷峨以會師期誅不恪詔可其奏就加禮部尚書秩正三品疏封東海命書未及至奄捐館舍遂以太子少保印授授弔祠稱焉是歲改元元和公之生七十年矣嗚呼以文發身以智經物惠和直溫忠恪廉清佐賢侯長轂皆有理效在詔也興事功在景也脩班制朝寧察風俗南海整師律以八命居六官攸好德考終命其蹈履之全乎夫人渤海高氏早歿繼夫人扶風郡夫人竇氏柔明有賢行嗣子右衛倉曹元弼似續文敏號咷毀慕以某月日寧伸于東都偃師縣之某原乃刻堅石以傳永久銘曰

噫徐公有質有文有義有仁名聲章明邁群倫兮噫徐公不佞不求不緇不磷贊佐四征暢嘉聞兮公之牧人于韶于景于邕于廣朱轡照路利攸往兮公之愛人以清以靜以惠以養流庸集附如景響兮如何不備奄忽鞠凶著龜之同天地之中吁嗟乎徐公

中散大夫檢校國子祭酒兼安南都護御史中丞
克安南本管經畧招討處置等使上柱國武城縣

開國男食邑三百戶張公墓誌銘 柳宗元

漢光中與馬援雄絕域之志晉武一統陶璜布殊俗之恩

理隨德成功與時並今皇帝載新景命丕冒海隅時惟長

公祗復厥績交趾之理繼蜀本作續于前人公諱某字某某郡

人也曾祖彥師朝散大夫尚書駕部郎中祖瑾懷州武德

縣令考清朝議郎試大理寺丞贈右贊善大夫咸有懿美

積為餘慶公以忠肅循其中以文術昭于外推經旨以飭

吏事本法理以平人心始命蘄州蘄春主簿勾會敏給厥

聲顯揚仍以左領軍衛兵曹為安南經畧巡官申固扞衛

有聞彰徹轉金吾衛判官三歷御史績用弘大揚于天

加檢校尚書禮部員外郎換山南東節度判官復轉郎中

為安南副都護賜金紫魚袋充經畧副使遷檢校太子右

庶子兼安南都護御史中丞充本管經畧招討處置等使

公自為吏習於海邦凡其比較勤勞利澤長久去之則夷

獠稱亂復至而冠攘順化及受命再任集作專征得陳嘉譽誓

拔禍本約集作納於夷軌乃命一其貢奉平其歛施收人盡

區處之方制國備刑體之法道阻而通百貨地偏而具五

人儲峙委積師旅無庚癸之呼繕完板幹集作控帶兼戊巳之

位文單環王怙力背義公於是陸聯長轂海合艤艦兩集

再舉而克殄其徒廓地數圻以歸于我理烏蠻首集作帥

負險茂德公於是外申皇威旁達明信一動而悉朝其長
 取州三集作二十以被於華風易皮卉以冠帶化姦宄為誠
 敬皆用周禮率由漢儀公患浮海之役可濟可覆而無所
 恃乃剡連鳥以闢坦途鬼工來并人力罕用沃日之大東
 成通溝摩霄之阻一作非為高岸而終古蒙利公患疆場
 之制一彼一此而不可常乃復銅柱為正制鼓鑄既施積
 精集作堅是立固圉之下若白黑易野之守險逾丘陵而萬
 世無虞奇琛良貨溢於王府殊俗異類盈于藁街優詔累
 旌其忠能集作良良集作良史嗣書其功烈就加國子祭酒封
 武城男食邑三百戶凡再策勲至上柱國三增秩至中散
 大夫其年月薨于位年若干天子震悼傷辭有加明年其

孤某官與宗仁集作人號奉裳惟率其家老咨于叔父延唐
 令某卜宅于澤集作澤州某月某日人謀皆從龜兆襲吉乃
 刻茲石著公之閔以至集作志是于丘竈以告于幽明銘曰周
 限荆衡秦開百粵交州之治炎劉是設德大來服道消自
 絕伏波南征漢威載烈宛陵北府集作附是晉政爰發我唐流
 澤光于有截皇帝中興武城授鉞肅肅武城惟夫之哲更
 歷毗贊顯揚彰徹既受休命秉茲峻節度其謀猷守以廉
 潔厚農薄征匪豸匪桀通商物平集作平貨有來胥悅踐山跨
 海堅其鶴列制噐足兵潰茲蟻結烏蠻屈服文單剪滅柔
 遠開疆會朝天闕銅柱乃復環山以誓一作折海無溝逆寇
 罔踰越琛賚之獻周于窮髮帝嘉成德載旌茂閔增秩策

勲土封斯裂位厄元侯年虧大耋邦人號呼夷裔悽咽卜
塋長沙連岡啓穴書銘薦辭德音周缺

宣州觀察使御史大夫韋公墓誌銘 杜牧

韋公會昌五年五月頭始生瘡召子婿張復魯曰三稚女
得良婿死以是託墓宜以池州刺史杜牧爲誌復魯曰公
去歲兩瘡生頭今始一尚微何言之深公曰吾年二十九
官授祕二字書郎時嘗夢涉澹水旣流中有二人若舉符
召我者其一人曰墳墓至大萬日始成今未也今萬日矣
天已告我我其可逃乎謝醫不問以其月十四日年五十
八薨于位公從父第某盡書公功行以公命來命牧牧位哭
序且銘之公諱溫字弘育韋氏自殷周秦漢丘明馬遷班

固輩爭書其人以光其所爲書至後周逍遙公復出世家

富貴集作中隱身行道當其時及後代論者以蜀嚴谷口

不能爲比逍遙公五世生潞州上黨尉贈諫議大夫希元

上黨生吏部侍郎贈太尉肇吏部生右補闕翰林學士右

散騎常侍致仕贈司空緩常侍生公於逍遙公爲九代孫

年十一以明經取第爲大常寺奉禮部祕書省校書郎選

判入等咸陽尉監察御史公曰是官豈奉養所宜耶上疏

乞免免改著作佐郎當貞元中常侍公事德宗爲翰林學士

帝深於文學明察人間細微事事有密切多委之歲久憂

畏病心帝曰某之心我其盡之以致仕官屏居西集作郊

公蚤夜侍側溫清飲食迎情致意一經心手積二十餘年

文苑英華卷之九百九十九

廿

丁常侍喪自毀不欲生後相國李公逢吉以相印鎮武昌皆虛上職書早辭至門公起赴武昌命集無命字未至府拜監

察御史遷左補闕事文宗皇帝時宰相百吏願條帝功德

譔號上獻公獨再疏曰今蜀之東川川溢殺萬家京師雪

積五尺老幼集作雅多餓死豈崇虛名報上帝時耶帝乃止

遂訖十五年不答尊號事改侍御史尚書禮部考功員外

郎當太和九年文宗思拔用德行超出者以警集作新儆音義

亦悚天下故公自考功不數月拜諫議大夫召為翰林學

士遂欲相之公立銀臺外門下拜送疏入且集無且字天具道

先常侍遺誠子孫不令任密職言懇志決因命掌言舍人

閣下公復堅讓不半歲轉太常少卿一歲遷給事中皇太

子侍讀公復陳先誠以侍讀辭自宰相下皆曰帝以一子

請教於先是宜避耶公不聽凡拜送三章帝終不能奪靈

武節度使王晏平罷靈武以戰馬四百疋兵器數萬事去

罪成貶康州司戶不旬日改撫州司馬仙韶院樂官尉遲

璋以樂官授光州長史晏平以賄賂貴倖璋大有寵於上

公皆封詔書上還上比論之公持益急竟以康州還晏平

璋免長史莊恪太子得罪上召東西省御史中丞郎官於

內殿悉疏莊恪過惡欲立廢之曰是宜為天子乎群公低

首唯公獨進曰陛下唯一子不教陷之至是太子豈獨過

乎上意稍平不數日遷尚書右丞朱衣魚章遷兵部侍郎

函請丞相願為治人官出為陝州防禦觀察集無此二字使兼

文苑英華卷之九百九十九

御史大夫服章金紫田鵠窺邊劉楨繼以上黨叛東徵天下兵西出禁兵陝當其衝公撫民供事就不兩告苦入爲吏部侍郎典一冬選老吏無所賣復以御史大夫出爲宣歙池等州觀察使賦多口衆最於江南公急惡寬窮益自儉苦刑律其俗凡周一歲無所更改自至大治公幼不戲弄冠爲老成人解褐得官超出群衆中人不取旁發戲嫚及爲公卿在朝廷省閣中大臣見公若臨絕壑先忖度語言舉止然後出發其所執持不可者筆一落紙言一出口雖天子宰相知不能奪俯委遂之不以德行尚人人自畏敬不施要結於人人自親慕後進凡持節業自許者獲公一言矜奮刻削益自貴重官卑家貧時主將家事在私闈

內高魯兄弟鐫琢

集作教

誘嫁娶衣食無有二等疾甚將終

悉召親屬賓吏稱先常侍詩句云在室愧屋漏因曰今知歿身不負斯誠遂涕下不禁當夫子世得七十子國小俗儉復有聖人爲之師使生於今與公相後先必有能品之者夫人隴西李氏贊善大夫愆之女先公四歲終生

集作生字

四男長曰確前國子監四門助教次曰璆前明經次曰環

次未免乳女子

集無子字

四人長嫁南陽張復魯復得進士第

有名於時爲試太常

協律郎鄂岳觀察支使其下皆稚

齒相次銘曰

德則至矣位其充乎如其充兮可大厥功以施生人天先告之萬日之期天實爲之

啓水行君臨寰海雄圖長發本枝碩茂濟美象賢流慶不

滅集作餘公受茲介祉誕膺淑靈幼有純至之節長立公

直之操學綜群藝詞擅精微夫其結言以信導物以德清

儉足以軌俗貞厲足以矯邪故美暢於中名揚於外弱齡

集作以國子進士高第補相王府典籤潘邱擇賢妙盡時

選尋以內憂去職重補相王府參軍及明兩升儲作貞萬

國以宮臣除太子通事舍人後歷官至右司員外太子舍

人此無此天授中以親累除名向逾一紀後除直羅温縣

二令雖大位未享通林必大集作初自太府主簿累入副

卿河南掾曹克升亞尹握蘭右轄綱紀南宮秉茲憲簡肅

彼專席再侍儲華卒踐宮相公執心好直履法斷恩觸雷

霆而除惡不避也枉絲髮而干譽不為也升降兩宮出入

三代克慎其始終厥有成君子以為難允哉其難矣及愨

手歸全遺言薄塋家無長物士伏其清年過懸輿人傷其

天嗚呼哀哉制贈都督幽州諸軍事幽州刺史賻悼之節

優於恒數明年二月歸塋于咸陽之舊塋夫人常氏祔焉

禮也夫人即逍遙公敬遠之玄孫左常侍希仲之叔姊集

婦淑行無微華年早世其孤彥冲等克遵遺訓靡所寘哀

說情睦外姻懷深國士既闕西階之奠遠投東武之詞銘

曰卓彼英運慶靈既長貽訓夫子體微知章在藝斯博於

欲則少徒文其中莫飭其表惟靜惟默不激不矯時經三

代官成兩宮化若風偃德如澤融邦稱其直朝表其忠禮

代官成兩宮化若風偃德如澤融邦稱其直朝表其忠禮

附周兆墳瞻漢宮哀哀純孝長訴昊穹

太僕卿上柱國華容縣男王府君墓誌 張九齡

公諱某字某瑯琊臨沂人蓋王氏所由遠矣然其自漢至

今上下千載海沂為頌始壯厥猷淮水作禎克昌其後繼

跡台衮聯華牧伯君子躋其立言史官襄其行事則已世

無違德人以嘉聞圖牒粲然宜為冠族乃祖某梁侍中尚

書左右僕射安東亭侯高祖某陳度支尚書曾祖太子中

書舍人祖某皇朝吏部郎贈潤州刺史父某官至洪州都

督公踐脩軌集作業雅有名器性開敏而達於從事才果

斷而長於御下至於學以知古義以隨時虛已存誠離經

合道異焉而不傷於物同焉而不害於正咸自得之務其

大者儀鳳中初以門子選為孝敬皇帝挽即解巾相王府

參軍換豫王府參軍歷太子通事舍人蒲州司法參軍丁

洪州府君憂去職喪與於戚行過於禮時其在疚哀能感

鄰服闋授相州鄴縣令施於政也揮干鏌之鋒截無不斷

展騏驎之足行無不至以故言出有孚豈止於百里教行

無類俄浹於四封邑人是宜輿頌乃作御史中丞張仁愿

表公尤異帝用嘉焉遷洛州陸渾縣令加朝散大夫寵其

能也再有仲由之善益聞考父之恭薄理我畿有加於鄴

識者觀政許其以後圖時輩推賢多驗之於晚節稍遷蒲

州司馬洛州長史蒲州長史三為郡佐一以貫之執心有

恒厥聲有茂雖巴祗之體素顧和之理識異代同官齊名

恒厥聲有茂雖巴祗之體素顧和之理識異代同官齊名

比義固無愧也俄遷隨州刺史趙簡始大列於諸侯張敞有名擢為刺史賢明獨斷政教弘宣始為集作子漢東之美

繼以巴中之異郡歷數四課常第一再遷集作領遂綿二州

刺史先是俗苦刈集作多弊人盡流庸公亦來思撫之如子

彼得攸暨歸之如市行有餘力用不盡才驟遷大都督乃

拜相州刺史先是景雲歲我唐雖舊儀制惟新置連帥之

官贈監督之秩於是歷選列辟專謀用賢且有後命而公

為稱首遂作越州都督同京官正三品連率統察杭婺衢

睦温括集作撫非台閩八州長史集作史已上率由部案事雖竟

寢議者終榮仍守越州都督加銀青光祿大夫公素有行

業集作盛明兼之寵數聞望而草風必偃至止而逢麻白真與

夫任賢坐嘯勞心行部彼有因而致此我無為而已然政

之行焉有若神者徵拜雍州司馬頃之又正名為京兆少

尹京兆者本公之樂土君已重世買臣還郡無矜於出綏

張既本州是榮於衣繡公雖作貳我亦為光開元二年始

封華容縣男昭有德也其明年有制以公檢校太僕卿訓

以六駟正于君疑僕日加數馬之慎歲有展軫之勤無何

即真可謂貴矣然公恩報所受逾勵所行神明未衰志業

不究春秋六十有一開元六年秋八月乙亥寢疾薨於洛

陽之陶化里第嗚呼哀哉朝廷傷焉賻贈以禮夫人范陽

盧氏不享偕老先時在殯其年冬十一月乙酉合塋于偃

師之某原却倚首陽前瞻洛汭豈伊瑕丘之樂並取刑山

師之某原却倚首陽前瞻洛汭豈伊瑕丘之樂並取刑山

之兆有子曰昊次曰旻泣血苦塊哀纏於遠日勒銘金石
義協於當時假以斯文為之實錄其詞曰有周之裔居海
之沂緒業惟求德音罔違貽厥謀翼俾其翰飛宜哉世紀
亦曰家肥其一泊我華容而今濟美四科冉季九能曾集作魯非
史學匪為人義如在已施於有政轡之柔矣其二雉馴宰邑
鷹揚佐郡五為刺史在邦必訓再踐太僕厥庸廼奮今也
則亡天不可問其三神欺末年禮先遠日合如防墓開比滕
室鶴弔人悲龜言地吉篆石泉戶與山相畢其四

太子少傅李公墓誌銘

孫逖

唐之宗盟有若武都公者諱嵩涼武昭王亦名嵩天寶間方追崇字某大
原景皇之穆也淮安靖王之胤也姓族本系存乎帝籍王

之子曰虢州刺史諱某虢州之子曰鄭州生公世載明德
實維邦翰昔我高祖之造區夏也則淮安王擐甲胄誅暴
強以佐經綸之業泊我皇帝之垂衣裳也則武公都秉衡
石傳儲貳以弘邕熙之化允武允文同心同德本枝百世
不亦宜哉公應大賢之期含正氣之秀弱而孤藐克自激
揚六射五書包禮樂之群藝九流三變探古今之至贖生
八年而當天授革命之事宗室懼禍至乃不全艱貞保身
以免於難久視之後密網少寬公以太夫人在堂無底祿
之養願辱身以報德豈養高而循名解褐授荊州枝江縣
丞維此之故也為賈尚幼薛宣有能深為州牧張漢陽所
器重嘗謂所親曰唐宗一日二字一作室千里吾見其人國未

可量也。神龍興，復拜通事舍人。其後歷尚書工部司勳員外屯田郎中、太僕衛尉、太常三少卿、汝汴二州刺史、兵部黃門二侍郎、太原尹、太常卿、工部尚書、東都留守、兵部吏部尚書、太子少傅。自枝江至于少傅，凡十有九遷。人臣寵秩備更之矣。先是國朝舊制，不以宗親任權。開元以來，內舉無避，唯善所親，擢拜右職，公爲首也。公體正心直，色莊言麗，明而可畏，寬而能服。故所蒞之職，必姦邪衰，止禮義興行，國人宜之，有由然也。曩膺列宿，迨亞象河，當官而行，旣立名跡，及夫典汝墳之國，爲夏卿之貳，天下歸最朝廷，讓能寵光，大來公望，首出矣。黃門君之樞也。公執事舉直以替其否，太原邦之扞也。公戒私寬賦，克壯其猷。六官之

長是爲人樞，三命益公，遂掌邦理，綜覈流品，終始七年，其所作法，皆成故事。其賞能拔異，實彼周行者，可勝旣乎。上難其人，公是以久，而深煩職事，累請歸閑，留侯有疾，猶傳太子尼父不憇，終萎哲人，以開元二十八年五月十日薨于位。春秋五十有八，壽不配德。皇慈震悼，追贈益州大都督，親親尊賢焉。禮也。其年十二月七日，塋於河南縣九嶺山之南原。惟公以文學政事之才，瞻祗庸孝友之德，揚親有立身之顯，何止能養。執喪有過人之戚，匪惟率禮。公兄曰昇，弟曰暈，兄愛弟敬，夫和妻柔，閨門之間，內外以正。均養猶子，不殊所生，豈引而進之，乃因心則至。公爲居守也。暈寢疾，私第沉痾，彌年公損膳絕葷，消形瘁色，及病革之

際冒禁而歸終以為職守管籥不敢久留次長號撫襯雨
泣還臺至性傷人酸感行路昇之喪公也哀亦如之死喪
孔懷其在是矣所謂曾閔王生九宗之地邢茅為萬石之
門蓋本乎國風而為世範者嗣子造等八人無改於道聿
脩厥德未為罔極靡所寘懷以逖嘗忝使臣之戒且為冢
卿屬父承話言猥託銘誌文仲事君之教何曰一作敢忘
鮑叔知我之恩曷其能報徒竭心於所事終有恨於斯文
其詞曰高陽之族才子克生禮樂為憲親賢是程六官允
重折祈父天卿二柄皆執理均政平汲直多病留侯強起尚
傳重明俄驚閔水泣盡遺愛感深知已銘德下泉庶通神
理

太子舍人王公墓誌銘

前人

公諱無競字仲烈其先卿瑯人也因官遂居東萊自宋太
尉弘至棣州司馬侃十一世世濟其美不隕其名公即棣
州府君之次子也克廣前烈於昭令聞翩翩海瀕焜燿京
國夫又用三德正直居首子有四教文行為先公蔚其文
高其行據於直歸而正生而知之實稟其性弱冠以應制
擢第解褐授趙州欒城縣尉歷麟臺正字轉右衛倉曹洛
陽縣尉監察御史殿中侍御史太子舍人神人龍初坐以嘗
詆權幸貶於嶺外終於廣州春秋五十四工文則學必從
之故登麟臺侍龍樓也好直則威必濟之故吏京邑秉天
憲也行高則衆必庇之故陷非罪謫殊方也噫良工能為

順君子能爲道而不能爲容士師黜宣尼困屈原逐賈生
憤公其近之矣初天冊中公與故人魏州牧獨孤莊書忿
林胡之猖狂哀冀方之阨隍誠以軍志示之死所客有薦
其書者則天見而異之有制召見驟膺寵渥相如之賦感
人主未云速也廼者恩澤侯張昌宗位極太官寵震群后
公著書東觀與之聯事曾足貽籍未嘗暱就色莊見憚象
恭益深長孺之抗禮將軍曷足議也公嘗執簡中禁司察
位班時三事大元有族談錯立者公進而言曰朝有著定
所以道威儀邦之具瞻所以昭軌物不遵不恭不敬不從
其可是耶則肅然就列次矣公之舉劾大臣庸可異也鵠
呼人各有能且猶不私公則具舉其誰與京公生於齊長
於魏不忘吾黨常操土風嗣子某處卜遠日奉成先志以
開元十六年某月某日徙殯於館陶歸塋於東萊之舊塋
書順也夫夫范陽盧氏祔焉從周也窳窳之事可無記乎
詞曰

萬靈秀百夫特萬卷精多才克詩可興筆餘办人之望邦
之直何不仁俾大棘厄炎厲哀明德卜佳城于舊國銘景
行求無極

太子少師崔公墓誌銘

李華

聖唐祖宗重光丕變萬國玄宗肅宗今上三后繼明格于
上下其輔弼之臣曰趙公奉先少師之訓有大功於王室
少師諱璟字某清河東武城人也惟成於姜水氏曰有

呂德莫厚乎粒蒸人大庭之烈也勲莫盛乎除暴虎尚父之明也讓莫大乎推社稷季子之高也丁公之元子曰季克讓乞歸老於崔氏宜乎其盛也八代祖元孫宋度支郎中以忠順烈見危致命夫人携二子亮敬默依夫人之黨挺志羈孤之中安親危窘之際亮即公七代祖也八爲尚書一爲僕射孫肇官至中書侍郎元子北齊安州惣管府掾諱道淹公之曾祖也生萬年主簿臨洺令諱方騫公之大父也生武功主簿贈史部尚書諱貞固公之考也即中珣王侍僕射利主生公中書之名望安州之道德臨洺之愛人武功之體道荀淑以盛德及子陳寔以素風及孫誠哉吾聞其語矣今見其人也公孫抱太夫人終童幼武功清

君道根於至性毀過乎哀鄉黨憐之皆曰純孝旣除喪外從禮訓內積憂慕啜菽飲水厲志讀書誦無遺文釋無遁義皆一覽也年十七與親兄吹吹同舉明經調補梁州南鄭尉轉蜀州晉原尉前後使臣表公第一遷大理評事親累貶利州葭萌丞歷梓州鹽亭丞樂天知命貞獨自晦君子哉改晉州司法叅軍政尤一道刺史按察使皆以上聞克河東支使畢尚書構爲連帥也假公判官仁者悅不仁者懼違厲終於官舍春秋四十權厝於山山邛玄元廟西北原識與不識罔不相弔時人之安放後人之不幸祭陽夫人鄭氏皇朝兵部郎中衛州長史玄昇之女吏部侍郎平章事情之妹終京兆崇賢里權殯於長安東南杜陵原夫人

翰佩紛燧禮記內則婦事舅以寧顏色澄曩酒以奉蒸嘗

輔佐君子黔婁之室也撫導賢胤孟軻之母也內訓傾謝

婦儀無師嗚呼哀哉大曆四年龜筮從吉嗣子圓尚書右

僕射趙國公哀奉先少師夫人之裳惟合祔於河南北邙

山某原禮也趙公初為益州刺史屬逆羯內向天下兵起

至尊出長安避狄未有岐下之都因奉表上迎保寧聖德

遷為中書令翼大明復天下肅宗申養玄宗申慈趙公之

宣力也事今上鎮揚州為吏部尚書左僕射崔氏之門公

盡善哉洪河在北清洛在南二室之下邙原高起是地也

是宜君子幽宅寧於斯永保子孫昌於斯其文曰翼翼孝

嗣衝哀不言祇感永斯思常試討論齊為霸國鄭甸姬姜勤

德貽慶後昆在昔貞烈爰有魏嶼播遷建都公將南轅造

舟人便開漕利源宜有令胤中書玉振安州榮道臨洛體

順尚書祿光公以德鎮既輸典刑亦清維晉天不我遺時

將疇師夫人之德柔善有則鼓鍾于宮闈于四國從夫

子天下是式不及劬勞趙公罔極克誕趙公蓼莪孝思奉

若先訓其貴如斯今日之祿先人之慈保寧幽宅天地無

期此是宰相崔圖之父贈太子少師元誤入宰相門今移於此

訂正五十有八字 七月初一夜涼如秋沃未記